



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-2-40-590-2/24**
Datum: **20.12.2024. godine**

«Agencija za vodno područje rijeke Save» Sarajevo rješavajući po zahtjevu pravnog lica «MARTIĆ-INTER-COPP» d.o.o. Modriča za donošenje rješenja o vodnoj saglasnosti za aktivnost vađenja materijala iz korita rijeke Bosne na lokalitetu „Prud“, koji se nalazi na prostoru Federacije BiH, općina Odžak, na osnovu člana 109. stav (1) tačka 6. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE

Odbija se zahtjev pravnog lica «MARTIĆ-INTER-COPP» d.o.o. Modriča za donošenje rješenja o vodnoj saglasnosti za aktivnost vađenja materijala iz korita rijeke Bosne na lokalitetu „Prud“, koji se nalazi na prostoru Federacije BiH, općina Odžak, **kao neosnovan.**

Obrazloženje

Dana 27.11.2024. godine dostavljen je ovoj Agenciji zahtjev pravnog lica «MARTIĆ-INTER-COPP» d.o.o. Modriča za donošenje rješenja o vodnoj saglasnosti za aktivnost vađenja materijala iz korita rijeke Bosne na lokalitetu „Prud“, koji se nalazi na prostoru Federacije BiH, općina Odžak.

Uvidom u dostavljenu dokumentaciju utvrđeno je da ovaj organ nije mogao postupiti po podnesenom zahtjevu, obzirom da je isti imao nedostatke koji su sprječavali postupanje organa, odnosno nisu ispunjeni uslovi iz Rješenja o prethodnoj vodnoj saglasnosti broj: UP-1/21-1-40-292-4/24 od 04.07.2024. godine donesenog od strane ove Agencije, kao ni rokovi propisani Ugovorom o vađenju materijala iz rijeke Bosne na lokalitetu Prud u općini Odžak broj: 10-591-26/24 od 19.09.2024. godine, potpisanim od strane ove Agencije.

Uz zahtjev je dostavljeno slijedeće:

- Ovjerena kopija Uvjerenja o registraciji/upisu u Jedinstveni registar obveznika indirektnih poreza, izdatog od strane Uprave za indirektno-neizravno oporezivanje broj: 04/1-17-1-UPJR/1-2922-2/14 dana 20.05.2014. godine;
- Ovjerenu kopiju potvrde o registraciji date od strane Ministarstva finansija Republike Srpske, Porezna uprava, broj: 06/1.04/0806-053-1-7-3/14 dana 27.03.2014. godine;
- Ovjerenu kopiju Aktuelnog izvoda iz sudskog registra Okružnog privrednog suda u Doboju, broj: 60-0-RegZ/24-001687 dana 03.10.2024. godine;
- Kopiju Ugovora o vađenju materijala iz rijeke Bosne na lokalitetu Prud u općini Odžak, sklopljenim sa ovom Agencijom, broj: 10-9/24 dana 23.09.2024. godine;
- Kopiju Rješenja o prethodnoj vodnoj saglasnosti broj: UP-1/21-1-40-292-4/24 od 04.07.2024. godine donesenog od strane Agencije za vodno područje rijeke Save, Sarajevo;
- Elaborat za vađenje materijala iz korita rijeke Bosne lokalitet „PRUD“, urađen od strane „TRAFFICON“ d.o.o. Odžak, novembar 2024. godine (u printanoj formi i na CD-u);
- Dokaz o uplati upravne pristojbe.

Na osnovu uvida u dokumentaciju dostavljenu uz zahtjev, utvrđeno je slijedeće:

- Dostavljeni Elaborat za vađenje materijala iz korita rijeke Bosne lokalitet „PRUD“, urađen od strane „TRAFFICON“ d.o.o. Odžak, novembar 2024. godine nije urađen u skladu sa uslovima propisanim tačkama 3. i 4. Rješenja o prethodnoj vodnoj saglasnosti;

- Podnosioc zahtjeva nije dostavio Saglasnost udruženja sportskih ribolovaca iz Odžaka na vađenje materijala iz korita rijeke Bosne na lokalitetu „PRUD“, u periodu definiranom dodijeljenim Ugovorom, u skladu sa tačkom 5. alineja 5 Rješenja o PVS broj: UP-1/21-1-40-292-4/24 od 04.07.2024. godine donesenog od strane ove Agencije;
- Podnosioc zahtjeva nije dostavio validan dokaz da je riješio pitanje imovinsko-pravnih odnosa na trasi pristupnog puta do lokacije vađenja materijala iz vodotoka, te do lokacije za deponovanje kao i na samoj lokaciji za deponovanje izvađenog materijala, u skladu sa tačkom 5. alineja 6 Rješenja o PVS broj: UP-1/21-1-40-292-4/24 od 04.07.2024. godine donesenog od strane ove Agencije;
- Podnosioc zahtjeva nije dostavio Zahtjev za donošenje Rješenja o VS u skladu sa članom 2. Ugovora o vađenju materijala iz rijeke Bosne na lokalitetu Prud u općini Odžak, sklopljenim sa ovom Agencijom, broj: 10-591-26/24 od 19.09.2024. godine u propisanom roku shodno članu 8. stav 1. Ugovora.
- U toku vođenja postupka dana 11.12.2024. zaprimljeno je obavještenje Agencije broj: 10-591-29/24 od 04.12.2024. godine, o raskidu ugovora 10-591-26/24 od 19.09.2024. godine.

Na osnovu prednjeg i provedenog postupka konstatovano je da sa aspekta sektora voda postoje ograničenja koja proizilaze iz odredbi Zakona o vodama da se podnosiocu zahtjeva izda tražena vodna saglasnost, pa je riješeno kao u dispozitivu ovog Rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nihad Pezo, dipl.inž.građ.

Po ovlaštenju

Rukovodilac sektora za izdavanje vodnih akata


Nihad Pezo, dipl.inž.građ.



PRILOG: Elaborat za vađenje materijala iz korita rijeke Bosne lokalitet „PRUD“, urađen od strane „TRAFFICON“ d.o.o. Odžak, novembar 2024. godine.

Dostaviti:

- «MARIĆ-INER-COPP» d.o.o. Odžak
Gornjani broj 2 A, Garevac, 74484 Modriča (sa prilogom)
- ⊖ AVP, ISV – Vodna knjiga
- Sektor 40, arhiva
- Oglasna ploča, AVP Sava